

COMMENTARIOLI PRACTICI
IN COACAS HIPPOCRATIS PRAENOTIONES

PENSO II.

DISSERTATIONEM INAVGVRALEM
DE
COGNATIONE PARAPHRE-
NITIDIS ET FEBRIVM
MALIGNARVM

PRAENOBILISSIMI DOCTISSIMIQUE CANDIDATI
GEORGII CHRISTIANI BIEDERMANNI

BRESA-LVNEBVRGICI

D. III. OCT. A. R. S. MDCCLII.

HABENDAM INDICIT

ORDINIS MEDICI

IN

ACADEMIA GEORGIA AVGVSTA
PRODECANVS

IO. GOTHOFR. BRENDDEL

D. P. P. O.

G O E T T I N G A E

Typis Io. Christoph. Ludolph. Schultzii, Acad. Typographi.



COMMENTARIOLI PRACTICI
IN COACAS HIPPOCRATIS PRAENOTIONES
PENSVM II.

5) Αἱ ἐκ καταψύξιος ἔρων ἀπολήψεις, κάκισται.

Post algorem urinas intercipi, pessimum. De dysuriis febrium acutarum symptomaticis, stranguriae fuerint siue ischuriae, accipienda haec esse, idem locus, alibi (a) instructor, docet: αἱ ἐν καταψύξιος ἐν ὀξείῃσι ἔρων ἀπολήψεις, κάκισται. Symptoma hoc, praelagii plerumque non boni, in quaelibet acutarum incidere tempora potest: inprimis tamen observamus per confinia incrementi & vigoris. Febres acutae, quibus frequentius est, sunt phrenitis, vnde σύμφορον φρεντικῶσιν ἔρῃσιν vere dixit ARETAEVUS (b); febres malignae omnes; exanthematicae omnes; pleuritis, illa praesertim, cui HIPPOCRATES (c) dolores in principio molles esse ait, quinta vel sexta die exacerbandos, qua impliciti ad duodecimam diem perveniant, raroque seruentur: tum cognatae pleuritidi, & plerumque sociae vel succedentes febres pectoris inflammatoriae, acutae denique puerperarum, vel sine causis dysuriae ex partu difficili. Algor in acutis triplex est: stricte dictus, siue perfrigerium saltem membrorum, horror, rigor denique. Hic nomine καταψύξιος species algoris intelligendas esse omnes, & experientia & alii multi HIPPOCRATIS loci docent, vel statim sequentes. Praeter initia febris acutae, in decursum algoris qualiscunque species nunquam temere incidit, quin vel critici quid vel synptomatici

(a) *Prorrhet. I. 1.*

(b) *De Cur. Acutor. I. 1.*

(c) *Coacar. III. 138.*

matici, atque hoc quidem saepius, portendat. Ista inter, quae hic data opera recenseri nequeunt, & dysuriae symptomatae sunt. Hae plerumque sub exacerbationibus febris grauiorae esse solent, leuiorae sub remissionibus, vel tum plane abesse. Aliae sunt dysuriae, quae febribus acutis epigenneimatis modo sese addunt, quarum causa saltem socia febris est; cum adsint aliae corpori priuatae atque inquilinae, febre saltem illa, tanquam occasione, laceffendae: ut calculus, vermes, coryza vteri, menstrua, molimina haemorrhoidum, spasmi hysterici, rheumatici, arthritici, & similia. Aliae denique dysuriae ingesta sequi possunt. Ad prognosin omnium sunt ineundae rationes. De nonnullis ex altero genere intelligendum videtur aliud HIPPOCRATICVM (d): *πρὸ εἴγεως σχώσεις τῶν ὕρων, ἣν ἐκ χρησῶν ἴωσιν, καὶ κοιλίῃ ἣν ὑποδιέλθῃ, καὶ ὕπνοι ἐνέωσιν. ἴσως δὲ, καὶ ὁ τρόπος τῆ πυρετῆς, ἴσως δὲ, καὶ τὰ ἐκ κόπων. Ante rigorem (fiunt) retentiones urinarum, si ex bonis fuerint, (aut si bonis è signis contigerint:) sin & alius successerit, (plerumque in dysuriis aut clauula, aut saltem tenesmodes,) & somni fuerint. Fortassis etiam febris indoles, (erit attendenda,) fortassis quae ex lassitudinibus, (oriri repetique possunt, circumspectiendae,) Lassitudines, κόπες, veteres referebant inter signa imminuentis morbi, neque male statuebant triplices, aestuosas scilicet, vlcerosas & spasticas; ex quibus de successura morbi specie coniectura fieri posset. Hic intelligi videntur spasticae illae, aestuosae plerumque coniunctae, quae doloribus artuum, maxime lumborum, non malae notae, inter alia signa denunciant menstrua, vel haemorrhoidum varia molimina. His nomen κόπων tribuit HIPPOCRATES (e), alio elegantissimo loco de haemorrhoidibus vesicae urinae: αἵμα ἔρῃται, ὀλιγάκις μὲν, καὶ ἄτερ πυρετῆ καὶ ὀδύνης, ἐδὲν κανὸν σημαίνει, ἀλλὰ κόπων λύσις γίνεται.*

6)

(d) *Epid. VI. 1.*

(e) *Proorrh. II. 10.*

6) Μετὰ ῥίγες ἀγνοία κακόν. κακόν δὲ καὶ λήθη.

Cum rigore ignorantia, malum: malum item, obliuio. Praefigium imminentiſſimam apoplexiae, ex interceptione ſenſuum, ἀγνοία, cum caligine varia, & memoriae inſolita ſubitaneaque imbecillitate. Cur mentio fiat rigoris, paucis diſpiciendum. Inuadit apoplexia, niſi protinus inortem attulerit, cum febre mox pediſſequa, ſatis valida, indolisque inflammatoriae, vt ſanguis teſtatur, pleuritico plerumque ſimilis. Rigor, ipſum febris initium, dum impetit, & apoplexia impetum facit.

7) Τὰ κωματώδεα ῥίγεα ὑπολέθρια, καὶ τὸ φλογῶδες ἐν προſώπῳ μετ' ἰδρωτός, ἐν τέτοις κακίηδες. Ἐπὶ τέτοις ψύξις τῶν ὀπίθεν, ſπασμὸν ἐπικαλέει.

Soporosi rigores nonnihil ſunt pernicioſi: ὃς flammeus in facie color cum ſudore, in his malignus. Ad haec frigus poſteriorum partium, ſpasmus accerſit. Alii κωματώδεα ῥίγεα, alii καυματώδεα legere malunt (f). Dubium eſſe poteſt, utrius accedendum, cum in neutram partem exempla luculenta deſint. Non quidem hic videtur illud eſſe ῥίγος καυματώδες, á quo πῦρ ἐπιλαμβάνειν (g), itemque ὀξύτατον τὸν πυρετὸν ἐκκλάμπειν (h), HIPPOCRATICA recte alias docent: intelligenda potius iſta ῥίγεα de alternis erraticisque rigoribus aeſtibusque; aut de algentibus externis, dum interna peruruntur cum ſiti (i). Ne hepialas & lipyrias veterum, & AEGINETAE ῥίγος ἀνεκδέξαντων (k) in his febribus, malignarum paraphrenitidumue tribui acceufendis, hic commemoremus: referri poſſunt, non inita experientia, ad initia decurſumque febrium quarundam maligna-

(f) Eodem loco, *Prorrhet. I. 8*, editiones optimae, habent καυματώδεα, & κακόν pro voce κακίηδες.

(g) *De morbis I. 4.*

(h) *De veteri med. 31.*

(i) *Aph IV. 48.*

(k) *L. II. 23.*

lignarum. At vicissim & ῥίγεα καματώδεα habent, quod rerum
 vltus asserat. Vtrique sententiae fauet verissimum illud (l):
*Qui è principio sudant urinis coctis, aestuosi, modo non critico
 perfrigefacti, breui rursus circum ardentes, torpidi, soporosi, tre-
 muli, perniciose habent.* Et ῥίγεα inter καματώδεα, & inter
 καματώδεα, harum initia febrium obseruantur. Flammeam fa-
 ciem & tum nonnulli exhibent, per erraticas potissimum & sub-
 itaneas vices, inter sudores circa superiora: & postea, sudores
 inter eosdem paulo durabiliorem, cum accessurum est, vel iam
 tenet agrypnocoma. De quo bene AEGINETA (m): *ποτέ
 δὲ ῥευσθὸς αὐτοῖς ἐπαινδεῖ.* Dum adhuc per intervalla mens
 constat, de quodam ex dorso frigore conqueruntur, praesertim
 sub exordiis exacerbationum. Accedit postea, & ante agrypno-
 coma, & sub illo, inter balbam linguam tremor, potissimum
 alterutrius brachii crurisue, per vicissitudines quasdam vehemen-
 tior, praesertim sub exacerbationibus febris: abiturque ille tremor
 in leuiorem paralyfin, quicum spastici quid coniunctum est, contra-
 ctis quippe digitis & membris, vel ab adstante difficiliter flecten-
 dis, σκληρυσμὸν exprimens HIPPOCRATICVM. Finem cum
 sopore mors facit. Non omnino infrequentia sunt haec atra-
 biliariis, haemorrhoidariis, quos vocant, & generatim hypo-
 chondriacis confirmatis, plerumque simul nonnihil arthriticis,
 cum paraphrenitico malignoue modo febriunt: his enim febr-
 bus imprimis opportuni sunt. De iisdem, siue febre eiusmodi sint
 impliciti, siue pro modulo suo valeant, imprimis inter consinia
 aetatis virilis & senilis, verius nihil est illo HIPPOCRATICO
 (n): *Si lingua derepente impotens fiat, aut aliqua corporis
 pars fidevata, atrabiliarium tale est.* Scilicet his sunt turbae in
 reditu sanguinis per hepar qualescunque. Ibidem quaerenda
 sedes causae, qua auctore, per consensum affectae partes laborant.
 Ceterum non refragabor, si quis huic effato locum aliquem as-
 sertum

(l) *Prorrh. I. 14.*(m) *L. III. c. 10.*(n) *Aph. VII. 40.*

sertum cupiat & in apoplexia, in febribus intermittentibus soporosis, in ipso interdum lethargo, in singulari denique ista difficilique virginum ex interceptis utcumque menstruis, saepe coniunctis vermibus intestinorum, epilepsia, quae à lentis chronicisque initiis, per spasmos alterutrius brachii, cruris, musculorumque faciei inter fugitivi delirii signa, non sine lenta febre, ad phrenitidem letalem cum convulsionibus perpetuis tandem procedit. In apoplexia leuiori, malo ὑποληθρίω, ubi ad se redierit aeger, dum exacerbatio febris recidivam attulerit, sentire & prodere potest algorem ex dorso, prodromum imminens exacerbationis: neque dispar est ratio incipientis lethargi, non symptomati praesertim. Spasmi nomine generatim venire in HIPPOCRATICIS notum est, quicquid ad convulsorios affectus redit, ipsosque tremores, vel spasmos cum immobilitate: quos initiis paralyticos ex apoplexia saepe coniunctos, & in lethargo, accedere videmus.


8) Καὶ ὅλως δὲ ψύξις τῶν ἐπιδεν, σπασμῶδες.

Et uniuersim, frigus posteriorum partium, convulsorium est. Posteriores partes sunt ceruix, dorsum & lumbi. Sic ipse alibi HIPPOCRATES (o): *convulsoriae videntur perfrigerationes colli & dorso, quin totius corporis.* Per ψύξιν hic intelligendi algores omnes, inprimis perfrigerium simplex & horrores: spasmodica itidem latissime accipienda. Ita vero videmus tale frigus inter alia atque alia signa prodromum esse imminens paroxysmi epileptici, hysterici, & quicquid spastici obseruatur. *Sopores*, quibus *convulsorii* quid subdubitanter HIPPOCRATES (p) tribuit, sic inuadunt: & febres malignae ex soporibus. Ischuriam febrium acutarum attigimus: neque hoc frigore antesignano caret quaecumque alia. Generatim enim *vesica intercepta convulsorii quippiam habet, tum alias, tum cum capitis dolore* (q).

(o) Coac. I. 121.

(p) Coac. II 47.

(q) Coac. V.



Veniendum est ad Candidatum dignissimum

GEORGIVM CHRISTIANVM
BIEDERMANNVM

BRESA-LVNEBV RGICVM,

qui de natalibus suis studiisque ipse his exposuit:

Natus in vico Luneburgico Breſe Anno 1728 Menſe Octobri, Patrem habui pridem ad coelites tranſgreſſum, IOHANNEM IVLIVM BIEDERMANN, ibidem Eccleſiae miniſtrum; Matrem, quam vitae auctor ſenſcere iubeat, GERTRVDEN ELISABETHAM, CHRISTIANI REINHOLDI Pharmacopoci quondam Luchouienſis filiam. E domeſticis literarum tyrociniis in ſcholam celeberrimam Cellenſem miſſus, duce Rectore meritiſſimo, Seno venerando, Cel. MARCARDO profeſci. Inde ab auunculo honoratiſſimo, quem parentis honore veneror, FRIDERICO CHRISTIANO REINHOLDO, Pharmacopoea Luchouienſi peritiſſimo, receptus, quatuor fere annos in addiſcenda arte pharmaceutica ſic exegi, vt literis ſimul vacarem, praeceptoribus Cel. CRAMERO & LINDNERO, Rectoribus Scholae Luchouienſis. Tum in inclutam Acad. Ieneniſem profeſſus, Prorectore Illuſtri DARIESIO, in philoſophicis Ill. MVLLERVM, in phyſicis, mathematicis, botanicis, phyſiologicis, pathologicis, ſemioticis & materia medica Ill. HAMBERGERVM; in anatomicis item & chirurgicis Ill. KALTSCHMIDIVM duces veneror. Exactis ibi annis duobus, 1751. inclutam adii Georgiam Auguſtam, Prorectore Ill. AYRERO ciuitati adſcriptus. Praeceptores hic habui, quos pie perſanctaeque ſemper colam, Illuſtrem Ordinis Medici Primarium, RICHTERVVM, in materia medica, Ill. & Generoſiſſ. de HALLER in anatomia, phyſiologia, chirurgia, medicina forenſi, atque botanica: Ill. SEGNERVM in chemia Exc. ROEDERERVVM in oſteologia & arte obſtetricia.

Me denique tradentem medendi methodum, rem obstetriciam, pharmaciam, chemiam, institutiones medicinae clinicae, sedulo audiuit. In examine suffragiis omnium cum laude potitus, copiamque cathedrae merito nactus, ex hac, me praeside, dissertationem defendet inauguralem, *de cognatione paraphrenitidis & febrium malignarum*, praemissa lectione cursoria de *sale culinari*: deinde honoribus in medicina summis priuilegiisque, PRAESCITV ATQVE ASSENSV SPLENDISSIMI ACADEMIAE CANCELLARII, impertiendus. Huius disputationis solemnia vt praesentia ornare sua velint PRO-RECTOR ACADEMIAE MAGNIFICVS, ILLVSTRISSIMI S. R. I. COMITES, PATRES ACADEMIAE CONSCRIPTI, SENATORII VRBIS PROCERES, HOSPITES, CIVES PERILLVSTRES GENEROSISSIMI ATQVE NOBILISSIMI, Ordo Medicus, me interprete, nuncupatis vicissim studiis officiisque, rogat. P. P. In Academia Georgia Augusta, sigillo Ordinis Medici, d. 2. Oct. 1752.

